

tra'; et da certa campana in drio tutte le botege di Rialto non tengi fuogo, ni candela o lume, sotto gran pene; et altri, deputati per le contra' a studar li fuogi e zerca il sonar campanò martello, con molte clausule, *ut in parte*.

Da poi fo consejo di X con zonta.

A dì 6. Fo gran consejo. Butà il pro di setembre 1474, vene Canarejo.

A dì 7. Fo gran consejo.

A dì 8, fo la *Madona*. E poi disnar 0 fu.

A dì 9. Da poi disnar fo la quarantia novissima, con la Signoria, et il principe, zerca la partida fata per sier Batista Contarini, *quondam* sier Francesco, qual feva l'oficio a la chamera d'impresidi, per sier Gasparo, suo fradello, era amalato, de ducati 300 dati al cassier, era sier Piero Duodo, *quondam* sier Luca; et sier Marin Morexini, et compagni, ai 3 savij, haveva opinioni che 'l Contarini li pagasse, et non il Duodo; et il Contarini con li soi avochati diceva averli dati al cassier; et cussì ozi fo dato principio a questa causa.

Item, fo letere di Alexandria, zoè di Candia, di 8 octubrio. Come a dì 27 septembrio il Sagudino partì per Alexandria. *Item*, esser aviso di Alexandria, di primo, che Alvixe Mora e Bernardin Jova erano venuti dil Chajaro li, di comandamento dil soldan, con uno . . . dil soldan, et tolto tutte le specie, e robe di nostri merchadanti, et quelle mandate al Chajaro, perchè el signor si vol pagar di quello el dia aver per la nation per el suo piper. *Item*, sier Beneto Sanudo, capetanio e vice ducha di Candia, avisa certe galie di Rodi esser uscite e andate in l'Arzipielago. *Item*, aver nova di la morte dil turco.

A dì 10. La matina fo la quarantia, per il caso di Contarini; e da poi disnar fo consejo di X.

121 A dì XI. Da poi disnar fo expedito la causa in la quarantia novissima, con el principe, poi 3 conselj. El primo fo a dì 9; parlò sier Marin Morexini, *etc.*: ave 7 per il Contarini, X per il Duodo; a dì 10 fo il 2.º consejo: ave 14 il Contarini, 15 per il Duodo; ozi 13 per il Duodo et 23 per il Contarini, ch'è contra l'opinion di tre savij; et cussì avadagnò e fo grandissimo suo honor.

A dì 12. Da poi disnar fo consejo di X.

A dì 13. Fo gran consejo. Fo retor e provedador a Cataro sier Ulivier. Contarini. Et fo a consejo li oratori dil re di romani; i qualli è da saper, a dì 8, a gran consejo, fo chiamati X zenthilomeni, tra i qual Jo, Marin Sanudo, a la Signoria, et commesso la matina dovessamo levar li prediti oratori, qualli,

lo episcopo di Trieste, è alozato a San Zorzi, e domino Lucha a San Grignol, et menarli a la Signoria, per dirli la risposta fata col senato; et cussì fo fato, et fo terminato im pregadi donarli veludo per veste. *Item*, che sier Sabastian Zustignan, el cavalier, va vicedomino a Ferara, per colegio fo terminato el vadi in Friul, a veder certi confini di Pordenon con la Signoria, poi in Istria, simelmente a veder li confini, dove sarà noncij regij. Or *concluisse*, questi oratori esposeno

Titoli di 9 cardinali sopranotadi.

Senogaliensis.

M. Tituli Sanctæ Mariæ transtiberis, præsbyter, cardinali senogaliensi.

Redonensis.

R. Tituli Sanctæ Anastasiæ, præsbyter, cardinali redonensi.

Agenensis.

L. Tituli Sanctorum duodecim Apostolorum, præsbyter, cardinali agenensi.

Sancti Vitalis.

A. Tituli Sancti Vitalis, præsbyter, cardinali dignissimo.

Papiensis.

F. Tituli Sancti Nerei et Archilei (*sic*), præsbyter, cardinali papiensi.

Urbinatensis.

G. Tituli Sanctæ Agathæ, præsbyter, cardinali urbinati.

Cesenatensis.

F. Tituli Sanctæ Sabinae, cardinali cesenatensi.

Marchio Finalis.

R. Tituli Sanctorum Viti et Modesti in Marcelo, diacono, cardinali thebano.